



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XL. Pro refecandis sumptibus superfluis in Ecclesiis, & Monasteriis
Monialium Urbis.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

XXXIX.

Pro Archiconfraternitate B. Mariæ de Suffragio Urbis, circa facultatem aggregandi Confraternitates ejusdem nominis, & Instituti.

Huic Archiconfraternitati quamplures Indulgentias concessit Clem. VIII. Constit. 29. §. 7. tom. 3.

Edita A. D.
1657.

ALEXANDER PAPA VII.

Ad futuram rei memoriam.

Supplicatio.

EXponi Nobis nuper fecerunt dilecti filii Officiales, & Confratres Archiconfraternitatis Beatae Mariæ de Suffragio pro animabus Purgatorii Canonice instituta de Urbe, quod dum postquam eidem Archiconfraternitati a felic. rec. Clemente Papa VIII. Prædecessore Nostro indultum aggregandi sibi alias Confraternitates concessum fuerat, rec. mem. Paulus Papa V. etiam Prædecessor Noster supplicationibus tunc existentium Officialium, & Confratrum Archiconfraternitatis hujusmodi nomine sibi super hoc humiliter porrectis inclinatus, per suas in simili forma Brevis die 22. Martii 1615. expeditas Literas ipsis Officialibus, & Confratribus facultatem quidem aggregandi dictæ Archiconfraternitati quascumque Confraternitates ejusdem denominationis, & instituti etiam concessit, sed voluit quod Confraternitates aggregandæ hujusmodi elemosynas pro Missis pro defunctis accipere ullo modo nequirent, quodque de ejus voluntate hujusmodi in Literis aggregationum pro tempore conficiendis specifica mentio fieri omnino deberet, alioquin aggregationes ipsæ nullæ essent.

§. 1. Cum autem sicut eadem expositio subjungebat, dicti Exponentes earumdem Pauli Prædecessoris Literarum ignari centum & quinquaginta, vel circiter Confraternitates memoratæ Confraternitati nulla facta mentione prædictæ voluntatis ejusdem Pauli Prædecessoris bona fide, ac servatis alias servandis aggregaverint, & post habitam earumdem literarum notitiam Confraternitates, ut præmittitur, aggregatas voluntatis hujusmodi certiores reddiderint, & propterea in præmissis opportunè à Nobis provideri summopere desiderent.

Convalidat aggregationes factas.

§. 2. Nos specialem eisdem Exponentibus gratiam facere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, centum quadraginta, vel circiter Confraternitatum, hujusmodi aggregationes, à prædictis Exponentibus, sicut præmittitur, factas, Apostolica auctoritate tenore præsentium convalidamus, ea tamen lege, ut de cætero observentur admissum, prædicti Pauli Prædecessoris Literæ, & exemplar præsentium Literarum in forma authentica exhibeatur in singulis Curis Ordinariorum in quorum Diocesis sunt Confraternitates aggregatæ.

§. 3. Prætèrea Confratribus Confraternitatum aggregatarum hujusmodi, elemosynas si quæ ab illis perceptæ fuerint pro Missis celebrandis pro defunctis, dummodò revera elemosynæ prædictæ erogatæ fuerint pro celebratione Missarum

hujusmodi, auctoritate, & tenore prædictis gratiosè condonamus.

§. 4. Decernentes ipsas præsentis Literas semper firmas, validas, & efficaces existere, & fore, ac illis ad quos spectat, & pro tempore spectabit, plenissimè suffragari, & ab illis inviolabiliter observari. Sicque in præmissis per quoscumque Judices Ordinarios & Delegatos, etiam causarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari. Non obstantibus prædictis Pauli Prædecessoris Literis, ac Constitutionibus, & Ordinationibus Apostolicis, cæterisque contrariis quibuscumque.

Datum Romæ apud S. Mariam Majorem sub Annulo Piscatoris die 18. Septembris 1657. Pontificatus Nostri Anno Tertio.

Contrariis derogat.

D. P. An. 3.
die 18. Sept.

Pro rescandis sumptibus superfluis in Ecclesiis, & Monasteriis Monialium Urbis.

ALEXANDER PAPA VII.

Ad perpetuam rei memoriam.

PRO commissio Nobis cælitus Pastoralis munere dilectarum in Christo filiarum Monialium Monasteriorum Almæ Urbis Nostræ, quæ oblitæ domum Patris sui totas se Jesu Christi Domini Nostri earum sponsi obsequiis devoverunt, quieti, & utilitatibus peculiari studio jugiter invigilantes, ipsasque Moniales superfluis sumptibus dierum festorum causa, vel quando puellæ, seu mulieres habitum regularem in iisdem Monasteriis suscipiunt, professionemve emittunt, fieri solitis eximere, & populi ad eadem Monasteria, seu illorum Ecclesias ejusmodi occasione confluentis turbam evitari cupientes.

§. 1. De Venerabilium Fratrum Nostrorum S. R. E. Cardinalium, & dilectorum filiorum Romanæ Curie Prælatorum Congregationis super negotiis Visitationis Apostolicæ à Nobis institutæ consilio, in quibuscumque earumdem Monialium Ecclesiis alias festivitates, quam pro Sanctis titularibus ipsarum Ecclesiarum, sive Monasteriorum hujusmodi patronis, & Ordinum, quorum illa respectivè sunt fundatoribus institui, sive solemniter celebrari auctoritate Apostolica tenore præsentium perpetuò prohibemus.

§. 2. Volentes ut festivitates hujusmodi absque musica exteriori omninò celebrentur, adhibito tantum in choro interiori cantu Gregorianò nuncupato, sive etiam figurato, quoad Antiphonas Vesperarum pro currenti festo, aut Canticum Magnificat, pleno tamen choro, & nullis sumptibus sub penis Abbatissæ, seu Priorissæ, privationis officii; Monialibus autem cænantibus, vocis activæ, & passivæ eo ipso respectivè incurrendis.

§. 3. Ac eisdem Abbatissis, seu Priorissis, nec non Sacristanis, & Camerariis, aliisque Ministris, & Officialibus dictorum Monasteriorum sub eisdem penis respectivè pariter interdicimus, ne ornandis Ecclesiis, atque Altaribus apparatus, aut argenteam aliamque tam pretiosam quam non pretiosam suppellectilem cujusvis qualitatis, & speciei à quocumque commodato accipiant, neve in prænaratam causam pecunias, aut quævis alia bona cujusvis generis, qualitatis, & speciei à quibuscumque personis certis, vel incertis, etiam spontè dantibus sub quocumque prætextu gratitudinis, donationis, solutionis debiti, aut restitutionis, etiam pro exoneranda conscientia, aut ex alio contractu, vel quovis quæsito colore, etiam pro elemosyna ne quidem à confan-

XL.

Edita An. D.
1657.

Quæ festa celebranda.

Cantus Gregorianus permittitur.

De ornatu Ecclesiæ.

guineis,

guineis, vel affinis, etiam in primo gradu, aut benefactoribus Monialium, & aliorum prædictorum, etiam occulto nomine, petant, vel accipiant, neque in hunc finem vendant industria ipsarum Monialium opera, eorumque pretium in sumptus huiusmodi impendant, aut quidquam tam durante officio quam eo exacto Ecclesiæ, Sacristiæ, aut quibusvis aliis dono dent, sed expensæ necessariæ ab Abbatissa, seu Priorissa ea qua majori poterunt cum parsimonia fiant ex ordinariis, & certis redditibus tantum vel Monasteriorum, vel Sacristiæ illorum propriis, si adsint, nullum verò prorsus æs alienum propterea contrahatur. Præterea eadem auctoritate sub pœnis prædictis præcipimus idem servari, cum puellæ, seu mulieres ad habitum regularem, & votorum solemnium emissionem, seu professionem admittuntur, ut scilicet omnia sine pompa, sine sumptu, & absque cerarum, aliorumque munusculorum quorumcumque distributione fiant, comprehensis etiam esculentis, & poculentis, neque occasione festivitatum Sanctorum, aut suspensionis habitus, & professionis huiusmodi, vel quovis alio anni tempore dispensari, vel dono mitti possint flores, fructusque sive veri sint & naturales, sive fictitii, & artificiales, aut pharmaca, & liba, scribilita, crustula, spirula, & alia id genus edulia, cupedia, & bellaria quibuscumque personis, Secularibus, sive Ecclesiasticis etiam regularibus utriusque sexus tam intra, quam extra septa Monasteriorum degentibus, ac etiam Superioribus, & Prælatibus quovis gradu, & dignitate, etiam Cardinalatus honore fulgentibus, Protectoribus, Viceprotectoribus, Deputatis, Præfatis, Visitatoribus, Confessariis, Factoribus, & Officialibus Monasteriorum huiusmodi quocumque nomine nuncupentur, aliisque ab illis quoquomodo dependentibus. Denique mandamus Missas solemnes in Ecclesiis Monasteriorum huiusmodi ab illorum Confessariis, vel aliis privatis Sacerdotibus decantari, tubarum verò clangores, & tympanorum strepitus, ac tuborum pulvere Pyrio oppletorum explosiones, missilesque, & festos ignes nulla ratione, nullaque occasione ante, vel post aut circa Ecclesias, ac Monasteria prædicta permitti, neque tentoria, sive vela ante januas earundem Ecclesiarum expandi, sed & omnes alias non necessarias expensas omnino rescari.

Contravenientium pœnæ.

§. 4. Declarantes Abbatissas, seu Priorissas, Sacristanas, Camerarias, aliasque Officiales, & Moniales Monasteriorum præfatorum, quæ in toto, vel in parte præsentibus Literis, & contentis in illis quoquomodo respectivè contravenerint, pœnas præarratas, aliasque etiam graviores Nostræ, & Romani Pontificis pro tempore existentis arbitrii durante earum contumacia, ipso facto incursum: absolute, condonatione, reintegratione, & dispensatione desuper Nobis, & Romanis Pontificibus successoribus Nostris dumtaxat reservata. Cæterum si quandoque Abbatissa, seu Priorissa, & Moniales prædictæ rigorem præsentis constitutionis in aliquo casu particulari remitti, & aliquid ex vetitis in illa permitti desideraverint, non prohibemus quin id postulent à Nobis, & Successoribus prædictis, concessuris in scriptis, quod in Domino censuerimus, seu illi respectivè censuerint expedire. Demum ut eadem præsentibus Literæ debitæ executioni demandentur, illarumque ignorantia à nemine ullo unquam tempore prætendi possit; Venerabilibus Fratribus Nostris Martio Episcopo Albanen. S. R. E. Cardinali Ginetto nuncupato, Nostris in Urbe prædicta Vicario in spiritualibus Generali, vel Marco Antonio Episcopo Hierapolitan. ipsius Martii Cardinalis Vicarii Vicegerenti harum serie committimus, & mandamus, ut præsentibus Literas, seu illarum tenorem in idioma vulgare fideliter

transferri, ac translatas imprimi, illarumque exemplaria in formam authenticam redacta in singulis Monasteriorum prædictorum sacristiis, ac choris, & locutoriis in loco conspicuo, ubi ab omnibus legi possint, constitui, & collocari, ibique perpetuo remanere, & à nemine moveri curent sub pœnis prædictis eo ipso per contrascentes incurrendis.

§. 5. Decernentes easdem præsentibus Literas semper firmas, validas, & efficaces existere, & fore, neque de subreptionis, vel obreptionis, aut nullitatis vitio, vel intentionis Nostræ, seu alio quocumque defectu ex quovis capite, vel causa etiam speciali mentione digna notari, aut impugnari unquam posse, sed ab omnibus, ad quos spectat, & pro tempore spectabit, cuiuscumque status, gradus, ordinis, dignitatis, conditionis existant inviolabiliter observari. Sicque, & non aliter in præmissis per quoscumque Iudices ordinarios, & delegatos etiam causarum Palatii Apostolici Auditores, & S. R. E. Cardinales etiam de latere Legatos, & alios quoslibet quavis auctoritate, & potestate fungentes, & functuros, sublata eis, & eorum cuilibet aliter iudicandi, & interpretandi facultate, & auctoritate, iudicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 6. Non obstantibus quatenus opus sit de jure quæsito non tollendo, aliisque Nostris, & Cancellariæ Apostolicæ regulis, & cæteris Constitutionibus, & Ordinationibus Apostolicis, etiam Conciliaribus, necnon Monasteriorum, & Ordinum huiusmodi, etiam iuramento, confirmatione Apostolicâ, vel quavis firmitate alia roboratis statutis, & consuetudinibus: privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plenè, & sufficienter expressis habentes, illis aliis in suo robore permanentibus, ad præmissorum effectum specialiter, & expressè derogamus, cæterisque contrariis quibuscumque.

§. 7. Volumus autem, ut præsentibus Literæ per atquem, seu aliquos ex Curforibus Nostris ad valvas Ecclesiæ Sancti Joannis in Laterano, ac Basilicæ Principis Apostolorum, & in acie Campi Floræ de Urbe præfata publicentur, & earum exempla, etiam impressa ibidem affigantur, quæ sic publicatæ, & affixæ omnes, & singulos quos concernunt perinde afficiant, & arctent, ac si illorum unicuique personaliter intimatæ fuissent. Utque earundem præsentium transumptis, etiam impressis, manu Notarii publici subscriptis, & sigillo alicujus personæ in Ecclesiastica dignitate constitutæ munitis, eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris, die 24. Septemb. 1657. Pontificatus Nostris Anno Tertio.

Anno à Nativitate Domini Nostris JESU Christi 1657. Indictione 10. Pontificatus autem Sanctissimi in Christo Patris, & D. N. D. Alexandri Divina Providentia Papæ VII. Anno tertio, Die verò 26. Septembris prædicta Constitutio affixa, & publicata fuit ad valvas Basilicæ S. Joannis Lateranensis ac ad valvas Basilicæ Principis Apostolorum, & in acie Campi Floræ per me Petrum Paulum de Grassis Apostolicum Curf.

Andreas Castucci Mag. Curf.

Clausula præservati-
vz.

Contrariis derogat.

Transumptorum fides.

Dat. P. An. 3.
die 24. Sept.

Publicatio.

Pro-